



COMUNU DE LÙVULA
PROVINTZIA DE NÙGORO

Si bandit sa de tres editzione de su prèmiu de poesia in Limba Sarda

LÙVULA TI CANTO

annu 2013

S'isetu de su prèmiu est su de:

- abalorare su bonu de Lùvula contande lu chin poesias, chi ant a dèvere faeddare de Su Mont'Albu e de sas minas;
- tzintzigare a pònnere poesias, a manera de promòvere s'impreu de sa limba sarda in totus sas variantes suas.

Regulamentu.

Su prèmiu est assentatu in duas setziones:

1^a setzione – PRO LÙVULA

Su tema est Lùvula. Sos poetas chi punnant a partetzipare a sa prima setzione de su Prèmiu tocat chi imbiare òperas chi faeddent **de su Mont'Albu o de sas minas de Lùvula**. Sos poetas, comente fit in sas editziones colatas, ant a dèvere èssere sos chi ant a mustrare e a bandire su bonu de Lùvula, ma custa bia, ant a dèvere cumpònnere poesias petzi de su tema montovatu. Sas poesias cherent curtzas, iscritas in rima o in versos isortos o liberos. Sa longària no nche devet colare sos binti versos, No ant a èssere ammissas poesias prus longas. Cumponende sas òperas, sos poetas ant a dèvere tènnere in cussideru chi sas figuras chi ant retrtaadu chin sos versos issoro, s'esseret chi bincant, ant a dèvere èssere interpretadas dae fotografos, chi las ant a bortare in màzines fotograficas, pro imprentare cartolinas, paris chin sas poesias.

2^a setzione – POESIAS

Su tema est liberu. Sos poetas chi cherent leare parte a sa de duas setziones de su Prèmiu ant a dèvere imbiare òperas in versos isortos, liberos o in rima chi no nche colent sos banta versos. Nudda brivat chi sos autores po partetzipare a custa setzione potant ischirriare su matessi tema de sa prima setzione, est a nàrrere su Mont'Albu e sas minas de Lùvula, ma sas poesias chi ant a binchere no ant a èssere imprentadas in sas cartolinas.

Sos prèmios

1^a setzione – PRO LÙVULA

1u classificatu: € 500

2 u classificatu: € 300

3u classificatu: € 100

2^a setzione – POESIAS

1 u classificatu: € 250

2 u classificatu: € 150

3 u classificatu: € 100

Sos prèmios, postos a distintu pro setzione, ant a pòtere èssere datos in donos.

A leare parte a *Lùvula ti canto 2013* non si pacat; podent partetzipare totu sos sardos, finas si non sunt residentes in Sardigna.

Sas poesias potent èssere presentatas in cale si siet variante de sa limba sarda, incruitos sos faeddos alloglotos, bastante chi s'imbiare finas traduitas in una de sas varietates printziales.

Donzi cuncurrente at a pòtere leare parte a una setzione ebia de su Prèmiu e petzi chin una poesia chi cheret inèdita e mai premiata in àteros cuncursos literarios. De plàgios, o de decratziones fartzas nd'ant a rispòndere sos autores o chie los rapresentat.

Sas òperas presentatas non si torrant ma abarrant a su Comunu de Lùvula (Biblioteca Comunale), chi las at a pòtere impreare pro cale si siat isetu culturale, incruita sa publicatzione, chene paca peruna pro sos autores.

Pro imbiare sas operas bi cheret duas bustas de mannària diferente. In sa prus minore tocat a bi pònnere:

- Una còpia de sa poesia iscrita a computer o a màchina e firmata dae s'autore.
- Unu fozu uve bi siet su nùmene de s'autore, s'indiriztu, su nùmeru de telefono (finas cellulare), sa bidda sarda de nàschita e s'indiriztu de posta elettronica.
- Unu fozu uve bi siat sa decrarazione sichiente firmata dae s'autore: "Jeo sutiscritu poeta (nùmene, sambenatu, tlocu e data de nàschita, residèntzia) permito chi sos datos meos sient impreatos petzi pro sos fines numenatos in su bandu Prèmiu *Lùvula ti canto 2013*".

In sa busta manna tocat a bi pònnere:

- 6 copias de sa poesia iscritas a màchina o in su computer, craras e fàtziles a lèghere e anònimas, est a nàrrere non firmatas.
- Sa bustedda minore, serrata.

In foras de sa busta manna si bi devet pònnere sa setzione de su prèmiu pro su cale si partetzipat e s'indiriztu sichiente: Comunu de Lùvula, Biblioteca Cumonale, Carrera de I 1000, 11 08020 Lùvula NU.

Sas òperas devent arribare chin sa posta (a s'indiriztu montovatu in antis) o cussignatas a manu (a s'Ufitziu protocollo de su Comunu) intro de mesudie **(12.00)** de s' 8 de santugaini.

Non si picat in cussideru su trimbu postale pro sas operas chi ant arrivare a pustis..

Partetzipanne a su Prèmiu, sos cuncurrentes atzetant, s'esseret chi bi nd'apat, sa publicata de sas poesias, chene chi si lis corrispondat diritu perunu.

Chie leat parte a su Prèmiu cufirmat de connòschere su bandu e nd'atzetat donzi règula.

Su Comunu de Lùvula numenat una giuria de espertos. Ant a èssere premiatas sas poesias chi ant a èssere cussideratas sas menzus.

Sa giuria no at a pòdere dare prèmios ex-aequo e potet dispònnere de no assignare perunu prèmiu si cussideret chi peruna poesia siet digna, e finas de assignare premios in prus e mentziones pro poesias dignas de reconnoschimentu.

Su zudissu de sa giuria est insindacabile e inapellabile.

Sos binchitores, sos signalatos e sos mentzionatos, leande parte a su prèmiu, s'impignant a partetzipare a sa tzerimònia de premiatzione chi s'at a fàchere in die de dispònnere. S'esseret chi non bi potan azovare pro una rejone justa, su Prèmiu l'at a pòtere ritirare una pessone in parte issoro. In frau de sa premiatzione, a pustis de sa presentata de sas òperas signalatas o mentzionatas, s'ant a decrarare sos binchitores.

Pro cale si siat informatzione o acarimentu si potet dimandare a sa Segreteria de su Prèmiu: Comunu de Lùvula– Biblioteca Cumonale, tel. e Fax 0784 - 416894 ; Servitziu Linguisticu Territoriale Lùvula, tel 3479241295, E mail: luvulaticanto@gmail.com

S'Assessore de sa Cultura dot. Pretu Pittalis